



Broj/Број: 01/7, 02/3-50-1-17-2-17/06
Sarajevo/Сарајево: 9.3.2006.

PARLAMENTARNA SKUPŠTINA
BOSNE I HERCEGOVINE
SARAJEVO

Prihvaćeno: 29-03-2006			
Org. jed.	Broj	Prilog	Vrijednost

ZAPISNIK

17. zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine, održane u Sarajevu dana 9.3.2006.godine, s početkom u 10,20 sati

PRISUTNI ČLANOVI KOMISIJE ZA FINANSIJSKE I ADMINISTRATIVNE POSLOVE
DOMA NARODA: Ruža Stojanović, Mustafa Pamuk, Osman Brka, Branko Zrno i Velimir Jukić.

ODSUTNI ČLANOVI KOMISIJE ZA FINANSIJSKE I ADMINISTRATIVNE POSLOVE
DOMA NARODA: Goran Milojević.

PRISUTNI ČLANOVI ADMINISTRATIVNE KOMISIJE PREDSTAVNIČKOG DOMA: Senija Kapetanović, Mubera Ušanović, Vinko Zorić, Hazim Felić, Dušanka Majkić, Ruža Sopta i Jozo Križanović.

ODSUTNI ČLANOVI ADMINISTRATIVNE KOMISIJE PREDSTAVNIČKOG DOMA:
Momčilo Novaković i Mladen Potočnik.

OSTALI PRISUTNI: Sekretar Zajedničke službe Sekretarijata Parlamentarne skupštine Bosne i Hercegovine Aljoša Čampara i šef Računovodstva Parlamentarne skupštine Bosne i Hercegovine Jadranka Korać; ispred OSCE-a Amila Ibrahimović i Adnan Bešić, volonter u Istraživačkom centru Parlamentarne skupštine Bosne i Hercegovine.

Za sjednicu je predložen

DNEVNI RED

1. Usvajanje Zapisnika 16. zajedničke sjednice Komisija;
2. Razmatranje prethodnog izvještaja Ureda za reviziju finansijskog poslovanja institucija Bosne i Hercegovine o reviziji poslovanja Parlamentarne skupštine Bosne i Hercegovine;

3. Razmatranje Pravilnika o međunarodnim aktivnostima Parlamentarne skupštine Bosne i Hercegovine;
4. Razmatranje inicijative Kolegija Predstavničkog doma Parlamentarne skupštine Bosne i Hercegovine za donošenje odluke o prihvatanju zahtjeva Samira Ćorovića;
5. Razmatranje inicijative Komisije za finansijske i administrativne poslove Doma naroda za izmjene i dopune Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05, od 13. 4. 2005. godine, i Odluke o izmjenama i dopunama Pravilnika o plaćama i naknadama zaposlenih u Sekretarijatu Parlamentarne skupštine Bosne i Hercegovine (prečišćeni tekst), broj: 01/7,02/3-50-1-188-3-9/05, od 13. 4. 2005. godine;
6. Razmatranje Elaborata programa posebne namjene – Evropske integracije i drugi oblici međunarodne saradnje Parlamentarne skupštine Bosne i Hercegovine ;
7. Razmatranje odgovora Kolegija Sekretarijata Parlamentarne skupštine Bosne i Hercegovine u vezi s kolektivnim osiguranjem zaposlenih za slučaj nesreće na poslu;
8. Razmatranje zahtjeva delegata Osmana Brke za isplatu naknade volonterima u Sekretarijatu Parlamentarne skupštine Bosne i Hercegovine;
9. Godišnja informacija Kolegija Sekretarijata o isplaćenim naknadama plaće po članu 7. Pravilnika o plaćama i naknadama zaposlenih u Sekretarijatu Parlamentarne skupštine Bosne i Hercegovine (prečišćeni tekst), broj: 01/7,02/3-50-1-188-3-9/05, od 13. 4. 2005. godine;
10. Tekuća pitanja.

Sedamnaestu zajedničku sjednicu Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine otvorila je Ruža Stojanović, predsjedavajuća Komisije za finansijske i administrativne poslove Doma naroda Parlamentarne skupštine Bosne i Hercegovine. Pošto je konstatirala da postoji kvorum, predložila je dnevni red sedamnaeste zajedničke sjednice i pozvala prisutne da daju svoje primjedbe i sugestije.

Ruža Stojanović predložila je da se s dnevnog reda skine tačka Ad-6 s obzirom da nije dovoljno pripremljena za današnju sjednicu. Dodatno obrazloženje uz tačku Ad-6 dao je Aljoša Čampara. Predsjedavajuća je konstatirala da nema uslova za raspravljanje o ovoj tački dnevnog reda s obzirom da su dostavljeni izvještaji, a ne traženi elaborat.

Hazim Felić predložio je da se s dnevnog reda skine tačka Ad-3 jer će se na narednoj sjednici razmatrati Pravilnik o organizaciji i sistematizaciji radnih mjesta u Sekretarijatu Parlamentarne skupštine Bosne i Hercegovine s kojim bi trebalo uskladiti Pravilnik o međunarodnim aktivnostima Parlamentarne skupštine Bosne i Hercegovine. Prisutni su jednoglasno usvojili da se s dnevnog reda skinu tačke Ad-3 i Ad-6.

Pošto više nije bilo primjedbi, usvojen je dnevni red bez tačaka Ad-3 i Ad-6, te se pristupilo njegovom razmatranju po pojedinim tačkama.

AD-1 Na Zapisnik 16. zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine na srpskom jeziku predsjedavajuća zajedničkom sjednicom skrenula je pažnju na jezičke greške te zatražila da se one prije njegovog potpisivanja otklone. U vezi sa Zapisnikom sa 16. zajedničke sjednice zatražila je da se iz zapisnika izuzme dio koji se odnosi na sjednicu Administrativne komisije koju treba iskazati odvojeno od 16. zajedničke sjednice.

Prisutni su jednoglasno usvojili Zapisnik s 16. zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine s navedenim primjedbama.

AD-2 Uvodno izlaganje o ovoj tački dnevnog reda dao je Aljoša Čampara, naglasivši između ostalog pozitivno mišljenje Ureda za reviziju finansijskog poslovanja institucija BiH o Pravilniku o internoj kontroli i reviziji predloživši njegovo usvajanje s obzirom da je s aspekta revizije poslovanja Parlamentarne skupštine Bosne i Hercegovine bolje kad u izvještaju stoji da je ovaj pravilnik donesen.

Mustafa Pamuk je u vezi s ovom tačkom dnevnog reda rekao da treba konstatirati da je Parlamentarna skupština Bosne i Hercegovine otklonila sve primjedbe Ureda za reviziju finansijskog poslovanja u 2004. godini.

Nadalje je Aljoša Čampara istakao da je restrukturiranje izvršeno jer je došlo do poskupljenja goriva, ali i da su sve nejasnoće u vezi s ovim pitanjem otklanjane u hodu. Što se tiče javnih nabavki, revizija je rekla da je Parlamentarna skupština Bosne i Hercegovine ovaj posao obavila veoma uspješno i u skladu sa zakonom. Prokomentirao je i primjedbu u vezi s odlukama Komisija naglasivši da je ovdje pitanje limitiranja troškova kao i retroaktivna isplata naknada a u vezi s izvršenjem budžeta.

Duška Majkić rekla je da je zanimaju navedene odluke s obzirom da će mišljenje revizije uticati na buduće ponašanje Komisija, ali i primjedba u vezi s ad hoc komisijama i odlukom o troškovima za mobilne telefone, naglasivši da joj u ovom izvještaju smeta da se knjiženje faktura ne vrši u predviđenim rokovima.

Jadranka Korać naglasila je da se ovdje radi o jednoj fakturi vezanoj za investiciono održavanje mašine za čiju su popravku serviseri ispostavili fakturu u iznosu od 10.000 KM, a što je ona obrazložila višem revizoru, a navedenu primjedbu stavila je osoba koja je bila u njegovoj pratnji.

Duška Majkić naglasila je da ne bi trebalo da stoji primjedba na usluge.

Ovu primjedbu obrazložio je Aljoša Čampara rekavši da je napravljen izbor prevodilaca po tenderu Odbora za evropske integracije, tako da se utvrđena lista koristi i u Parlamentarnoj skupštini Bosne i Hercegovine.

Senija Kapetanović upozorila je prisutne da se ne prelazi preko bitnih stvari u ovom izvještaju, te naglasila da je na ovaj izvještaj potrebno pismeno odgovoriti posebno ako se ima u vidu revizorski izvještaj u kojem je konstatirano da na njega nije odgovoreno u datom roku. U svom izlaganju osvrnula se na primjedbe u vezi s internom procedurom, ali i stav revizije u vezi s odlukom o troškovima mobilnih telefona članova kolegija oba doma upitavši prisutne da li su ovom odlukom prekoračene budžetske stavke.

Jadranka Korać odgovorila je da je došlo do prekoračenja na ovoj budžetskoj stavci i da je vršeno restrukturiranje.

Ruža Sopta konstatirala je da neko u ovom cijelom slučaju pravi grešku jer joj nije jasno da se revizija osvrće na potrošnju goriva, tj. da li je i koliko potrošen o dizela, a koliko benzina. U vezi s troškovima mobilnih telefona, pitala je prisutne da li je isključena mogućnost da neko napravi trošak 2.000 KM na službenom putu, ako se ima u vidu cijena poziva u inozemstvu.

Jadranka Korać informirala je prisutne u vezi sa strogoćom praćenja troškova od nadležnih organa naglasivši da je došlo do promjene obrasca na kojem se podnosi završni račun, a da taj obrazac najbolje ilustrira promjene s obzirom da se iz njega mogu vidjeti podaci o planiranim, te utrošenim sredstvima s tim da su troškovi razrađeni po stavkama. Istakla je da se svaki trošak mora posebno iskazati, a da je Ministarstvo finansija i trezora BiH navedeni obrazac sačinilo kako bi se ispoštovala primjedbe revizije.

Ruža Sopta rekla je da ne može vjerovati da revizija ne uvažava primjedbe kad se ni u proizvodnji ne mogu prikazati troškovi na način kako to traži revizija. Istakla je da je ona za to da se

korigira odluka o mobilnim telefonima, ali i da stoji činjenica da i ona ima troškove mobilnog telefona koji joj se ne nadoknađuju.

Ruža Stojanović naglasila je da svi koji obavljaju neku dužnost imaju pravo na naknadu troškova mobilnog telefona s tim da poslanici i delegati nemaju pravo na ovu naknadu, a evidentno imaju troškove s obzirom da ih zovu na njihove mobilne telefone sekretarice dok se nalaze na sjednicama domova. Rekla je da je ona za to da se njima odobri naknada u iznosu od 50 KM mjesečno, ali s obzirom da to pitanje nije na dnevnom redu, ne želi otvarati raspravu.

Vinko Zorić rekao je da on ne želi ispitivati svoju savjest u vezi s odlukom o naknadi troškova za mobilne telefone. Odluka je donesena i o njoj se samo može raspravljati s aspekta njene legalnosti.

Ruža Stojanović ponovo je istakla da su u ovom slučaju ugroženi poslanici i delegati, ali i sekretarice članova kolegija oba doma koji nemaju nikakve naknade za mobilne telefone što svakako treba imati u vidu kao i preporuku revizije, pa u skladu s tim treba izraditi i prijedlog za rješavanje ovog pitanja. U vezi s ovom tačkom dnevnog reda, rekla je da Sekretarijat Parlamentarne skupštine Bosne i Hercegovine treba poslati pismeni odgovor Uredu za reviziju finansijskog poslovanja institucija BiH.

Aljoša Čampara odgovorio je da je revizija rekla da nije potrebno slati odgovor u vezi s prethodnom revizijom.

Mustafa Pamuk naglasio je da se možda radi o internim primjedbama, ali da je u svakom slučaju potrebno odgovoriti Uredu za reviziju finansijskog poslovanja institucija BiH i reći koji je interni stav u Parlamentarnoj skupštini Bosne i Hercegovine u vezi s navedenim nalazom revizije.

Za riječ se javila Mubera Ušanović, pa pošto je nije dobila, odustala je od svoje diskusije stavivši primjebdu da se nekoliko puta bezuspješno javljala.

Ruža Stojanović je na kraju sumirala raspravu o ovoj tački dnevnog reda i predložila da se nalaz revizije primi k znanju sa zaključkom da se na nalaz da pismeni odgovor. Ovaj prijedlog dala je na glasanje. Prisutni su jednoglasno donijeli

ZAKLJUČAK

Prima se k znanju Pismo Ureda za reviziju finansijskog poslovanja institucija BiH rukovodstvu o nalazima i preporukama prethodne revizije, broj: 03-16-1-137/06 od 30.1.2006. godine.

Komisija za finansijske i administrativne poslove Doma naroda i Administrativna komisija Predstavničkog doma Parlamentarne skupštine Bosne i Hercegovine obavezuju stručne službe da daju pismeni odgovor Uredu za reviziju finansijskog poslovanja institucija BiH na Pismo iz stava 1. ovog zaključka.

AD-4. Uvodno izlaganje o ovoj tački dnevnog reda dala je Ruža Stojanović.

U vezi s ovom tačkom dnevnog reda Jadranka Korać istakla je da, prema evidenciji u Računovodstvu Parlamentarne skupštine Bosne i Hercegovine, Samir Ćorović samo ponekad ima veće račune od iznosa utvrđenog aktima Parlamentarne skupštine Bosne i Hercegovine.

Mustafa Pamuk naglasio je da je Samir Ćorović šef protokola i da je stoga često na službenom putu u pratnji delegacija Parlamentarne skupštine Bosne i Hercegovine, a što znači da ima potrebu za komunikacijom. S obzirom na odobrene troškove za korištenje mobilnog telefona, Samir Ćorović često je u situaciji da pita za mobilni telefon članove delegacije jer je prekoračio troškove na svom mobilnom telefonu, pa iz tih razloga predlaže da se ovo pitanje riješi jer se veže za poslove, a ne za Samira Ćorovića kao pojedinca.

Ruža Stojanović rekla je da u ovom slučaju treba ići na izmjene i dopune Pravilnika o načinu i uslovima korištenja internih i eksternih usluga - reprezentacije, PTT usluga, službenog vozila, službene odjeće, štampe i stručne literature u Parlamentarnoj skupštini Bosne i Hercegovine.

Vinko Zorić predložio je da se odlukom utvrdi da se priznaju troškovi mobilnog telefona u fiksnom iznosu od 350 KM mjesečno.

Aljoša Čampara je u vezi s navedenim prijedlogom rekao da je dovoljno utvrditi da se na poslovima i zadacima koje obavlja Samir Ćorović utvrdi iznos od 300 KM.

U raspravi o ovoj tački dnevnog reda Senija Kapetanović pozvala se na prethodnu tačku i činjenicu da je prije donošenja odluka o troškovima potrebno sagledati i njihove posljedice za budžet, pa rekla da ona nije za to da se donosi odluka bez prethodno pribavljenog pismenog mišljenja o posljedicama takve odluke po budžet da se ne bi u revizorskom izvještaju ponovo javila konstatacija da revizija smatra da treba sačiniti analizu efekta takve odluke na budžet.

Ruža Sopta istakla je da, ako se Samir Ćorović do sada služio mobilnim telefonima članova kolegija oba doma onda to treba imati u vidu i ovo pitanje riješiti.

Nakon rasprave, Ruža Stojanović dala je na glasanje prijedlog da se u članu 24. stav (2) Pravilnika o načinu i uslovima korištenja internih i eksternih usluga - reprezentacije, PTT usluga, službenog vozila, službene odjeće, štampe i stručne literature u Parlamentarnoj skupštini Bosne i Hercegovine iznos od 150 KM poveća na iznos od 300KM. Prisutni su s 9 glasova ZA i 1 glasom SUZDRŽAN donijeli

ODLUKU

o izmjenama i dopunama Pravilnika o načinu i uslovima korištenja internih i eksternih usluga - reprezentacije, PTT usluga, službenog vozila, službene odjeće, štampe i stručne literature u Parlamentarnoj skupštini Bosne i Hercegovine

Član 1.

U članu 24. ovog pravilnika, u stav (2) iznos "150 KM" zamjenjuje se iznosom "300 KM".

Član 2.

Odluka stupa na snagu danom donošenja.

AD-5 Uvodno izlaganje o ovoj tački dnevnog reda dala je Ruža Stojanović objasnivši razloge za pokretanje inicijative o izmjenama i dopunama Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05, od 13. 4. 2005. godine, i Odluke o izmjenama i dopunama Pravilnika o plaćama i naknadama zaposlenih u Sekretarijatu Parlamentarne skupštine Bosne i Hercegovine (prečišćeni tekst), broj: 01/7,02/3-50-1-188-3-9/05, od 13. 4. 2005. godine.

Aljoša Čampara istakao je da je u navedenim aktima data široka lepeza bolesti, a u vezi s osnivanjem komisije, u čijem bi sastavu bili ljekari članovi Parlamentarne skupštine Bosne i Hercegovine naveo je primjer Sekretarijata koji sve zahtjeve po osnovu naknade za slučaj teže bolesti i inavlidnosti upućuje Federalnom zavodu MIO/PIO Mostar, Sektoru za ocjenjivanje radne sposobnosti Sarajevo, pa u skladu s tim predlaže da se izvrše izmjene i dopune navedenih akata.

Ruža Sopta upitala je koliko iznosi naknada ovom zavodu za izvršenu ocjenu nalaza, a Aljoša Čampara odgovorio je da se ove usluge ne plaćaju. Istakao je i da je veliki prosjek što svakako ima uticaja na potrošnju sredstava na ovoj budžetskoj stavci s obzirom na broj podnesenih

zahtjeva, pa se može desiti da se sredstva iscrpe prije kraja godine čime bi se dovela u pitanje isplata naknade za slučaj smrti.

Ruža Sopta rekla je da u aktima ne treba pisati široku lepezu bolesti.

Vinko Zorić predložio je da se bolesti svedu na one koje su bile nabrojane u starom pravilniku, a da se svi zahtjevi šalju na ocjenu navedenom zavodu.

Jozo Križanović istakao je da je bila u parlamentarnoj proceduri inicijativa izmjena i dopuna Zakona o državnoj službi u institucijama Bosne i Hercegovine ("sl. glasnik BiH", br. 19/02, 35/03, 4/04, 17/04, 26/04, 37/04, 48/05 i 2/06) i tada je postavljeno pitanje da li je zakonom definirana lista teških bolesti, pa je zbog nedostatka zakonske regulative u ovoj oblasti prijedlogom rečeno da će Vijeće ministara BiH donijeti podzakonski akt kojim će utvrditi navedenu listu. U skladu s tim, zaključio je da se navedenim aktima Parlamentarne skupštine Bosne i Hercegovine stvorio problem i zato smatra da se lista teških bolesti treba suziti, a da je osnovna greška što su se aktima Parlamentarne skupštine Bosne i Hercegovine prava po ovom osnovu proširila.

Ruža Stojanović sumirala je raspravu i predložila da se za narednu sjednicu pripremi prijedlog izmjena i dopuna akata, tako što će se suziti lista teških bolesti i što će se zahtjevi upućivati na ocjenu Federalnom zavodu MIO/PIO Mostar, Sektoru za ocjenjivanje radne sposobnosti Sarajevo. Ovaj prijedlog dat je na glasanje. Prisutni su jednoglasno donijeli

ZAKLJUČAK

Obavezuje se Sekretarijat Parlamentarne skupštine Bosne i Hercegovine da za narednu sjednicu Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine sačini prijedlog izmjena i dopuna Odluke o izmjenama i dopunama Odluke o načinu obračuna plaća i ostalih materijalnih prava poslanika i delegata u Parlamentarnoj skupštini Bosne i Hercegovine (prečišćeni tekst), broj: 01/7,02/3-50-1-188-4a-9/05, od 13. 4. 2005. godine, i Odluke o izmjenama i dopunama Pravilnika o plaćama i naknadama zaposlenih u Sekretarijatu Parlamentarne skupštine Bosne i Hercegovine (prečišćeni tekst), broj: 01/7,02/3-50-1-188-3-9/05, od 13. 4. 2005. godine.

Ad-7 Uvodno izlaganje o ovoj tački dnevnog reda dala je Ruža Stojanović.
Prisutni su jednoglasno donijeli

ZAKLJUČAK

Komisija za finansijske i administrativne poslove Doma naroda i Administrativna komisija Predstavničkog doma Parlamentarne skupštine Bosne i Hercegovine će se, u skladu sa Zaključkom o autentičnom tumačenju zakona, drugih propisa i općih akata ("Sl. glasnik BiH", br. 24/04), obratiti Parlamentarnoj skupštini Bosne i Hercegovine radi autentičnog tumačenja člana 55. stav 6. Zakona o radu u institucijama Bosne i Hercegovine ("Sl. glasnik BiH", br.: 26/04, 7/05 i 48/05).

Ad-8 Uvodno izlaganje o ovoj tački dnevnog reda dao je Aljoša Čampara koji je ujedno obrazložio svoj prijedlog za dodjelu jednokratne novčane pomoći volonterima u iznosu od 200 KM.

Osman Brka naglasio je da je on za to da se volonterima da svaki mjesec po 200 KM.

Prisutni su jednoglasno donijeli

ODLUKU

o isplati novčane naknade volonterima u Parlamentarnoj skupštini Bosne i Hercegovine

I.

Komisija za finansijske i administrativne poslove Doma naroda i Administrativna komisija Predstavničkog doma Parlamentarne skupštine Bosne i Hercegovine odlučile su da se volonterima u Parlamentarnoj skupštini Bosne i Hercegovine zbog dodatnog angažiranja na poslovima i zadacima: međunarodnih aktivnosti Parlamentarne skupštine Bosne i Hercegovine; organizacije skupova kojima je bila domaćin Parlamentarna skupština Bosne i Hercegovine; organiziranja javnih rasprava, izrade akata i organiziranja svečanog otvaranja Velike sale Parlamentarne skupštine Bosne i Hercegovine isplati jednokratna novčana naknada u iznosu od 200KM.

II.

Za realizaciju ove odluke zadužuje se Sekretarijat Parlamentarne skupštine Bosne i Hercegovine.

III.

Odluka stupa na snagu danom donošenja.

Ad-9 Uvodno obrazloženje uz ovu tačku dnevnog reda dao je Aljoša Čampara.

U okviru ove tačke dnevnog reda Mubera Ušanović predložila je zaključak kojim bi se obavezao Sekretarijat da za narednu sjednicu sačini revidirani spisak zaposlenih u Sekretarijatu Parlamentarne skupštine Bosne i Hercegovine, kojima je bila odobrena naknada za obavljanje dodatnih poslova koja je trebala biti isplaćena zajedno s naknadom privremenim sekretarima, pa je ovaj zahtjev ishitreno odbijen zbog obrazloženja koje je pratilo stav Agencije za državnu službu u vezi s isplatom naknade privremenim sekretarima.

Mustafa Pamuk postavio je pitanje kad će se popuniti upražnjena radna mjesta s obzirom da se navedeni poslovi obavljaju polovično, pa je predložio da se što prije pristupi njihovoj popuni.

Prisutni su jednoglasno usvojili sljedeće zaključke

ZAKLJUČAK I.


Prihvata se godišnja informacija Kolegija Sekretarijata o isplaćenim naknadama plaće po članu 7. Pravilnika o plaćama i naknadama zaposlenih u Sekretarijatu Parlamentarne skupštine Bosne i Hercegovine (prečišćeni tekst), broj: 01/7,02/3-50-1-188-3-9/05, od 13. 4. 2005. godine.

ZAKLJUČAK II.


Obavezuje se Sekretarijat Parlamentarne skupštine Bosne i Hercegovine da za narednu sjednicu Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine sačini spisak zaposlenih u

Parlamentarnoj skupštini Bosne i Hercegovine koji su bili angažirani na obavljanju dodatnih poslova u 2004. godini.

Pošto je iscrpljen dnevni red, petnaesta zajednička sjednica Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine završena je u 11,20 sati.


Sekretar
Administrativne komisije
Predstavničkog doma
Davorka Čaplinski

Predsjedavajuća
Komisije za finansijske i administrativne poslove
Doma naroda
Ruža Stojanović



Predsjedavajuća
Administrativne komisije
Predstavničkog doma
Senija Kapetanović

